

# السادات

## في العاشر من رمضان



### نقاد السوفيتي وراء مسرحيات البعث

- مسرحية وقتف إطلاوت البحار
- مسرحية رفض فك الاشتباك الأول
- مسرحية رفض الذهاب إلى جنيف
- مسرحية رفض الانسحاب من سيناء



# أنوار السادات

## في ذكرى العاشر من رمضان



### الاتحاد السوفيتي يخفي وراء مسرحيات البعث

مسرحية وقف إطلاق النار  
مسرحية رفض فك الاشتباك الأول

مسرحية رفض الذهاب إلى جنيف  
مسرحية رفض الانسحاب من سيناء



قال الرئيس انور السادات كلمة الحق والتاريخ في ذكرى العاشر من رمضان . اوضح صاحب القرار الخالد بعض الحقائق ، عما يجري الآن على الساحة العربية من غوغائية ومزايدات ، بهدف الى تضليل الامة باسم فضيحة فلسطين .

كشف الرئيس السادات عن الدور التخريبي الذي يؤديه الاتحاد السوفيتي ، في الارض العربية ، قبل حرب العاشر من رمضان وخلالها ، وبعدها حتى اليوم

اعلن الرئيس السادات ، الحقائق بتفصيلاتها ، عن مسرحيات البعث السوري التي اختفى وراءها ، وحركها الاتحاد السوفيتي ، بهدف فرض الوصاية على الشعب العربي في مصر ، تحديا لارادة الشعب الحرة في اتخاذ القرار بعيدا عن الوصاية والتبعية

فضح الرئيس السادات ، خفايا ، هذا الحلف المستورد بين البعث السوري ومنظمة التحرير الفلسطينية ، واهدافه وبواعثه .

ورغم خطورة الحقائق التاريخية التي اعلنها الرئيس السادات ، وفاء بعهده للامة العربية ، فان الرئيس قد اعلن انها جزء قليل فقط من كل الحقائق .



- نحن نجنى ثمرة أخرى من ثمار العاشر من رمضان بالبدر في تنفيذ الانسحاب الإسرائيلي الثاني من سيناء.
- تجاوزت الزوابع المثارة كل الحدود، ولما بقيت في الربوط وللإسفاف وانعدام المسؤولية إزاء قضيتنا المصرية.
- أصحاب هذه الزوابع المفتعلة، لا يعرفون أنهم صاروا متخلفين عن وعى الأمة العربية الفاهمة لدوافع كل الأطراف.
- سوف نحاول أن نتحمل مرة أخرى، لمخاض الشعب الفلسطيني بالذات، تسريحهم واتخاذهم، رغم أننا كنا دائماً معهم صادقين.
- أشاع المفرضون أن هناك نصراً صاعداً في الاتفاق الأخير.. ونحن نألهم أن يبرزوا نصراً واحداً.
- الجبهة الداخلية المصرية صامدة مترامدة بكل قياداتها وألوانها.. ومحاولة التفرقة بين شعب مصر وقيادته، هي محاولة ساذجة.

باسم الله

●● أيها الاخوة والاختوات .. لقائى بكم الليلة ، يصادف ذكرى يوم عظيم مجيد ، يوم العاشر من رمضان . وفي هذا اليوم حق علينا أن نحى بالفخر أبطالنا في القوات المسلحة الذين مازالت أصابعهم على الزناد ، ونذكر شهداءنا الأبرار الذين هم أحياء عند ربهم يرزقون .. تحية الى جنودنا وضباطنا ملؤها الثقة والعرفان أولئك الذين صنعوا لنا ولامتهم الحياة ، وصنعوا لها الأمل ، بعد أن حطموا الخرافة وزرعوا النصر .

أيها الاخوة والاختوات .

في هذا اليوم أيضا ، يتم اللقاء الاول للامناء بعد الانتخابات ، ولاول مرة للنقابات المهنية والعمالية والفلاحين .. معنى هذا اننا خرجنا من دائرة التنظيم السياسى المغلق الى التنظيم السياسى المفتوح .. وبعد قليل سيتم تشكيل المجالس الشعبية على شتى مستويات القطر لاول مرة بالانتخاب .. وهى صورة أخرى





لديمقراطية المباشرة وققزة تجعل الحكم المحلى بواسطة الشعب حقيقة واقعة ، ننتظر منها خيرا كثيرا .. ان شاء الله ..

تحالف قوى الشعب العاملة كلها اذن مثلة على أوسع نطاق ، وبأكثر الاشكال ديمقراطية .

أعود الى العاشر من رمضان .. فأقول أنه اليوم ، وبعد عامين على تلك اللحظات التاريخية ، تبدو آثار القرار الذى اتخذناه أكثر وضوحا ، واشراقا . وتتأكد انعكاساته البعيدة على حياتنا، وعلى حياة الامة العربية وحياة العالم كله .. خصوصا ، اننا فى هذه الايام بالذات ، نجنى ثمرة أخرى من ثمار ١٠ رمضان بالبدء فى تنفيذ الانسحاب الاسرائيلى الثانى من سيناء .. وبعد أسابيع قليلة ان شاء الله سينحصر الاحتلال عن الممرات الاستراتيجية ، وعن جزء هام من ثروتنا البترولية ، وعن معظم الساحل الشرقى لخليج السويس ، وتعود أعلامنا الظافرة لتزف هناك .

ولا شك انكم تعرفون الزوابع التى حاول البعض أن يثيروها فى أنحاء مختلفة من العالم العربى . بيانات تصدر .. مظاهرات مرتبة تسير .. اتهامات تلقى جزافا . وهى وان اختلفت مصادرها وبواعثها .. الا انها اتفقت كلها فى أنها تجاوزت كل حدود الحوار المقبول والجدل الجاد . انها أيضا تسابقت فى الهبوط والاسفاف، والانعدام التام للمسئولية ازاء أخطر لحظة فى حياة أمتنا العربية .. وازاء قضية هى قضيتها المصيرية .. ولعل الذين يثيرون هذه الزوابع ظنوا انهم سوف يرهبونا أو سوف يرغمونا على سلوك

طريق غير طريقنا .. أو في القليل سوف يشوشون علينا ..  
ولكن لا .. لم ولن يحدث شيء من هذا أبداً .

وأقولها وأكررها مرة أخرى .. لم ولن يحدث شيء من هذا  
أبداً .. ولسنا نقول هذا عن غرور أو ادعاء .. ولكن نحن نقول  
هذا لأننا مطمئنون .. لأننا ننطلق من منطق احترام مسئوليتنا  
إزاء المصلحة القومية العليا ، وأنا نقرن القول بالفعل وأنا  
لا نخادع ولا فضل ولا ندعى ما لا قبل لنا به .. فما تصدينا  
له وحققناه هو جزء مما التزمنا به وأعلنناه . فنحن كما قلت مرارا  
لا نتكلم لغتين .. لغة في القاعات المغلقة ولغة أمام الميكروفونات  
.. ولا نستخدم وجهين : وجه للرأى العام المحلى ، ووجه للرأى  
بالعام الدولي .. هذه الزواجع تصدر عن أسباب ثانوية وصراعات  
ضيقة .. ومحاولات كسب صغير ، وفهم متخلف للعالم ، بل  
ولامتنا العربية أيضا .. فالامة العربية صارت عبر التجارب  
الصعبة أمة ناضجة لا تخدعها المزايدات ، ولا تغريها الشعارات  
البراقة .. وأصحاب هذه الزواجع المفتعلة لا يعرفون أنهم صاروا  
متخلفين عن وعى الامة العربية الفاهمة لدوافع هذا الطرف أو  
ذاك .. ولذلك يهمنى أن أوكد لكم وأن يثق معنا الشعب المصرى  
العربى أن الاغلبية الساحقة للرأى العام العربى معنا .. وأن  
الضمير العربى يقدر جهودنا وتضحياتنا .. وأن ما يحاول مثيرو  
الزواجع تصويره من أن مصر معزولة فهو أمر يدعو الى السخرية  
والاشفاق .

نحن نسير فى طريقنا .. ونحن نرى ذخيرتهم الفاسدة تنفذ  
بسرعة .. لأن ذخيرتهم هى الكلام .. وذخيرتنا التى لا تنفذ هى

العمل المتواصل الحلقات • وسوف نحاول مرة أخرى أن نتحمل  
لمثلى الشعب الفلسطينى بالذات تسرعهم وانخداعهم •• وأقول  
مرة أخرى لانتى سأروى • كانت هناك مرة أولى ، وسأروى  
فصتها بالكامل أمام أمتنا العربية كلها •

لقد آن الاوان لكى توضع الحقائق واضحة •• ليس أمام  
شعبنا فقط •• شعبنا الصابر المؤمن ، وانما أمام أمتنا •• كلها فى  
مواجهة هذا التضليل وهذا الخداع •

أقول سوف نحاول أن نتحمل مرة أخرى لمثلى الشعب  
الفلسطينى بالذات تسرعهم وانخداعهم رغم أننا كنا معهم دائما  
صادقين •• وموقفنا من قضية فلسطين التى هى قلب الصراع  
العربى الاسرائيلى لن يتغير بسبب أى استفزاز •• ذلك اننا  
لا نفكر فى حزب •• أو بطريقة حزبية ، أو فى منظمة •• بل  
نفكر فى المصلحة العليا للملايين الثلاثة الذين هم الشعب  
الفلسطينى الذى يستمع الآن وأريده أن يعرف قبل الشعوب  
العربية الاخرى حقيقة الموقف •

لقد كافحنا فى الرباط لنسلم الزمام لمنظمة التحرير كمثلة لهذا  
الشعب •• وقلنا صراحة ان الصراع لاسترداد حقوق الشعب  
الفلسطينى هو صراع أجيال •• الامر الذى ينبىر أمامنا سبيل  
رسم الاستراتيجيات الناجحة ، وقلنا وأكدنا أن الفلسطينيين هم  
الذين يعبرون عن أنفسهم بملء ارادتهم ، واننا لسنا أوصياء  
عليهم ولا نتوب عنهم فى أى شىء ، أما اذا سئلنا عن رأينا

واجتهادنا فانتا نرى ضرورة قيام كيان وطني فلسطيني متحرر  
يتحمل المسؤولية .. وساعتها علينا جميعا أن نؤازره .

هذا هو التزامنا التاريخي لم يلحقه أى مساس ولم تتحول  
أفكارنا عنه .. وهو مائل في ضميرنا في كل تحرك نقوم به ..  
وهنا أشاع المغرضون أن هناك نصوصا سرية في الاتفاق الأخير  
تحديناهم على أن يبرزوا نصا واحدا .. ولكن لهذا الامر قصة  
سأحكيها لكم ولامتنا العربية .. ولكنهم للأسف لم يجدوا  
ما يستشهدون به الا ما يلتقطونه من أفواه الساسة الاسرائيليين  
في تصريحاتهم المتضاربة التى يطلقونها للاستهلاك المحلي ..  
ولطالما حذرت من هذا ..

وقد كان من أسخف ما لجأ اليه مثيرو تلك الزوابع محاولتهم  
الساذجة للتفرقة بين شعب مصر وقيادته .. أو العثور على شرح  
في الجبهة الداخلية المصرية لينفذوا منه .. فى هذا لم يخذعوا  
الا أنفسهم .. فقد ارتدت اليهم سهامهم حين بدت الجبهة  
الداخلية الوطنية بكل تياراتها وألوانها صامدة متراسة .



● أقول للجميع بكل صراحة، أن ما يرمي الأمة العربية هو شوري بيننا جميعا ، ولكن ما يخص الوطن المصري هو ملك لأبناء هذا الوطن ، طالما أننا في ممارستنا لسيادتنا الوطنية ، لا نشترى شيئا بحقوق الغير ، ولا نقبل شيئا يعطل المسيرة العربية الشاملة .

● لا نريد أن نغلق جسورا مفتوحة ، ولا أن نرد يا محدودة ، وعقولنا وقلوبنا مفتوحة للأحوار .

● إن ما نسمعه الآن ، يجعلني في حل من أن أضع بعض الحقائق ، وليس كلاما ، أمام أمتنا العربية .. برغم أنني كنت أتمنى أن نحفظ بها للتاريخ .

### ●● أيها الاخوة والاخوات ●●

اننى هنا أقول للجميع وبصراحة وقد تكون هذه الصراحة موجهة ، ان ما يهم الامة العربية هو شورى بيننا جميعا ولكن ما يخص الوطن المصرى هو ملك لابناء هذا الوطن .

أقول أن ما يهم الامة العربية هو شورى بيننا جميعا ولكن ما يخص الوطن المصرى هو ملك لابناء هذا الوطن طالما اننا فى ممارستنا لسيادتنا الوطنية لا نشترى شيئا بحقوق الغير ولا تقبل شيئا يعطل المسيرة العربية الشاملة . اننا لا نريد أن نغلق جسورا مفتوحة .. ولا أن نرد يدا ممدودة .. عقولنا وقلوبنا مفتوحة للحوار .. ولكن الحكم الاخير فيما يخصنا — هو ارادتنا .. ليكون هذا واضحا للجميع .

وعدتكم فى مستهل حديثى أن أحدثكم عن هذا اليوم العاشر من رمضان عام ٧٣ .. وكنت قد أعددت نفسى لكى أحاول أن أجمل ما حدث فى ذلك اليوم ، وما تلاه على أن يكون تركيزى أساسا هو احتفالنا بهذا اللقاء بعد أن قلتم ثقة الشعب فى الانتخابات ، وأماننا مرحلة جديدة تماما فى العمل السياسى ،





ولكن لعل في سرد أحداث ذلك اليوم ما يجعلكم تخرجون بحصيلة ما يجب علينا أن نمارسه في المستقبل .. ولعل في إيضاح هذه الحقائق في هذا اللقاء أمام شعبنا وأمام أمتنا العربية .. وقد كنت أؤثر أن أبقياها في طي الكتمان أو على الأقل أكثرها .. كما يفعل كل الناضجين الواعين ، ولكن ما نسمعه الآن وما يقع من حولنا خاصة ما وقع اليوم يجعلني في حل من أن أضع بعض الحقائق ، وليس كلها برغم أنني كما قلت لكم .. كنت أتمنى أن نحفظ بها للتاريخ ..

اليوم كما سمعتم في الأنباء .. هوجمت سفارتنا في مدريد ، بخمسة من الفلسطينيين - بعض الأخبار تقول أنه يرأسهم عراقي .. والباقي فلسطينيون .. وبعض الأخبار تقول أن اثنين منهم من فتح وبعض الأخبار الأخرى تقول أن مندوب فتح عندما دخل لهم احتجزوه معهم ، كما تعلمون .. أنا شكلت لجنة من نائب رئيس الجمهورية ورئيس الوزراء ووزير الخارجية .

ووزير الخارجية الآن يتابع الموقف لم يستطع أن يحضر معنا هذا الاجتماع لأنه يتابع الموقف .

وسمعتم طبعاً طلبات اللي دخلوا السفارة واحتفظوا بالسفير واثنين من الدبلوماسيين المصريين رهائن وطالين سحب المجموعة العسكرية المصرية من جنيف وإعلان أن الاتفاق خيانة للامة العربية وللشعب المصري .

آخر ما لدى من أنباء قبل أن آتى اليكم مباشرة لاني أعلم أنكم حريصون على متابعة هذا الموقف وشعبنا أيضاً حريص على متابعة هذا الموقف .. آخر ما لدى من أنباء انهم في مفاوضاتهم

مع بعض السفراء العرب من الكويت والعراق والجزائر طلبوا  
اصدار بيان بشجب الاتفاقية •

طلبوا أولا مؤتمر صحفى ، السفراء العرب يعملوه علشان  
يشجبوا الاتفاقية ، فرفض السفراء العرب ، قالوا طب ادونا بيان  
انكم تشجبوا الاتفاقية، قالوا طيب اذا كان ده يخلصكم فديكوا  
البيان ، وطلبوا طائفة جزائرية من الجزائر يسافروا عليها هم  
والرهائن الثلاثة واثنين من السفراء العرب •

وردت حكومة الجزائر بأنها تشجب هذا الامر ولكنها اذا  
طلبنا - طلبت حكومتنا - والحكومة الاسبانية ذلك فانها على  
استعداد وقد وافقت وأرسلت للرئيس بومدين قبل مجيئى اليكم  
مباشرة موافقتى بهذا •

دة آخر ما وصلت اليه الاحداث فى حادث اليوم •



● جاء في السفير السوفيتي بعد ٦ ساعات من بدء القتال  
واقحام خط بارليف، وقال إن سوريا تطلب  
وقف النار! وأن الحكومة السوفيتية تطلب ذلك أيضا!

● رفضت المطالب السوفيتي، لأنني لم أقف على ذلك  
مع سوريا. وقلت للسفير أنني سوف أقفل بالرئيس  
مافظ الأسد.

● جاء في رد الرئيس الأسد بعد ظهر يوم ٧ أكتوبر  
بأنه لم يطلب وقف النار من السوفييت!

● قابلت السفير السوفيتي للمرة الثانية بعد وصول  
رسالة الرئيس الأسد.. وإذا بالسفير يقول أنه  
يحمل مع المطالب الثاني من الرئيس الأسد إلى  
الزعماء السوفييت بوقف إطلاق النار!!

● رفضت أن يناقش السفير السوفيتي الأمر..  
لأنني صدقت ما أبلغني به الرئيس الأسد.

●● نعود الى يوم ١٠ رمضان لعل مفاتيح هذا الموقف التائه  
 نعر عليها زى ما سمعتم ، فى يوم ١٠ رمضان من سنتين خلت ،  
 وفى الساعة اثنين بعد الظهر بدأت قواتنا المسلحة فى الهجوم على  
 سيناء بضربة طيران أولا ثم العبور ثانيا ، ولم يمض أكثر من  
 ست ساعات حتى كانت المعركة واضحة واختل توازن الاسرائيليين  
 تماما .. فى هذه الساعات الست كان أغلب القوات الللى مفروض  
 انها تتم عبورها أثناء الليل قد انتهت من عبورها ورفعت العلم  
 واقتحمت خط بارليف .. فى ست ساعات .

وكنت كما سمعتم ، وعرفتم قبل ذلك ، كنت فى غرفة العمليات،  
 منذ بدء العمليات ، فجاء لى خبر .. اتصلوا بى فى غرفة العمليات  
 وقالوا أن السفير السوفيتى طالب مقابلة عاجلة . زى ماقلت لكم  
 كان مضى ست ساعات . الصورة واضحة تماما . بعد أربع ساعات  
 كانت واضحة كمان أكثر . وبعد ست ساعات كانت واضحة جدا  
 .. تركت غرفة العمليات ، وذهبت الى المقر الللى أنا كنت متخذه  
 للعمل فى قصر الظاهرة .. التقيت بالسفير السوفيتى هنالك ..



بعد ست ساعات فقط من بدء العمليات .. إيه الرسالة اللي جايها السفير السوفيتي ؟

السفير السوفيتي قال لي .. انه جاي برسالة من القيادة السوفيت الثلاثة .. هذه الرسالة هي أن سوريا طلبت وقف إطلاق النار .. وهو يريد أن يعرف رأينا في هذا .. بل وتطلب الحكومة السوفيتية أيضا أن نوافق على وقف إطلاق النار .. قلت للسفير السوفيتي آسف .. مش حنوقف إطلاق النار الا بعد تحقيق أهداف معركتنا .

أما ما يختص بسوريا فقلت له اسمح لي لازم أرجع للرئيس حافظ الأسد علشان أعرف اذا كان قال الكلام ده وللا لا .. لانه مش ده اتفاقنا اللي احنا متفقين عليه .. وده لأول مرة يتقال .. أنه أنا استدعى السفير السوفيتي يوم الاربعاء ٣ أكتوبر ، وهو استدعى السفير السوفيتي في دمشق يوم الخميس ٤ أكتوبر .. كانت رسالتي للاتحاد السوفيتي اللي حاقلها يوم الاربعاء انه مصر وسوريا قرروا أنهم يدخلوا عملية عسكرية من أجل انهاء هذا الوضع بتاع اللاسلم ، واللاحرب والتسأؤل .. أو تكلمة الرسالة مني ما هو موقف الحكومة السوفيتية ؟ ..

فعلا أنا استدعيت السفير السوفيتي يوم ٣ كان يوم اربعاء . واستدعيته .. بلغته .. قال لي أمتي .. قلت له .. لسه ما قرراش .. أنا والرئيس حافظ الأسد ساعة الصفر .. ليه ؟ سبت دي أنا لانه حسب اتفاقى مع الرئيس الأسد في أغسطس ٧٣ في بلودان انه هو يوم الخميس ٤ يقول لهم على الموعد .. انما أنا اطلب موقف الحكومة السوفيتية . فهو لما سألني السفير



السوفيتي امتي ؟ .. قلت له لسه ما اتفقناش على ساعة الصفر .. ولكن أنا عايز الاجابة على سؤال محدد .. ما هو موقف الحكومة السوفيتية ، والاتحاد السوفيتي ؟

يوم الخميس تاني يوم فعلا .. حسب اتفاقنا استدعى الرئيس حافظ الاسد السفير السوفيتي في دمشق .. وأبلغه حسب ما اتفقنا بالرسالة ، وبموعد الهجوم .. ده كنا متفقين عليه .. السفير السوفيتي لما جالى يوم ستة قال لا .. ده الرئيس حافظ الاسد يوم الخميس استدعى السفير السوفيتي .. قلت له عارف .. ومتفقين على ده ..

وقال له على يوم الهجوم .. قلت له عارف ومتفقين على ده .. وقال كمان .. عايزين وقف اطلاق النار بعد ٤٨ ساعة فقط .. قلت له لا .. دى اسمح لى بقه أرجع للرئيس حافظ الاسد فيها .. قال لى طيب ما هو موقف مصر ؟ قلت له بلغ حكومتك ان احنا مش هانوقف اطلاق النار الا لما نكمل أهداف معركتنا السفير السوفيتي ما اقتنعش .. قال لى بس بقى الرئيس حافظ الاسد ده شريكك يعنى .. وأنا بيلغك هذا الكلام رسميا .. من الحكومة السوفيتية .. قلت له .. ما أنا عشان كده لازم أتأكد من الرئيس حافظ لانه الكلام ده ما وردش في الاتفاق ..

خرج السفير السوفيتي ..

نسيت أقول لكم يوم الاربعاء لما استدعيته .. وحملته الرسالة - طلب يقابلنى الخميس .. فجّه الخميس .. قلت لهم هاتوه على طول .. جه الخميس .. أنا قلت مش معقول بعد ٢٤ ساعة يجي لى الرد وأنا اللي بأقعد بالسين ما بيجنش رد على حاجة .. مش

معقول .. ده تبقى الدنيا اتغيرت .. وفعلًا بعد ما طلب يمكن  
بعشر دقائق بالكثير كان عندي في البيت .. وأنا متوقع انه جاي  
لى برد على السؤال أو الرسالة بتاعتى .. ما هو موقف الحكومة  
السوفيتية ؟ .. قال أنا جايب رسالة عاجلة .. قلت له خير ..  
قال الحكومة السوفيتية هاتبعت بكره الجمعة اللي هو ٥ أكتوبر  
أربع طائرات نقل كبيرة .. وتطلب موافقتك شخصيا على نزولهم  
في مطار عسكري لترحيل الرعايا السوفيت .. بكره يوم  
الجمعة ٥

قلت له موافق ما عندي مانع أبدا .. وفعلًا جات الاربع  
طائرات يوم الجمعة .. وحتى اليهود رصدوهم وأمريكا على أن  
ده امداد جاي .. الاربع طائرات الكبار .. مش عارفين انهم  
جاين فاضيين عشان يحملوا العائلات افتركوا ان ده امداد بعد  
كده ...

قلت له .. فين الاجابة .. طيب كويس .. أنا وافقت لك على  
ده والمطار العسكري غرب القاهرة ممكن .. علشان ما يياش  
قدام المطار المدني .. طيب الرد على السؤال بتاعى ما هو موقف  
الحكومة السوفيتية .. فين .. ؟  
قال لى لسه تحت الدراسة ..

بعد ما بلغنى الرسالة يوم السبت وانصرف بعث برقية للرئيس  
حافظ الاسد وانتشرت صورتها قبل كده وتنتشر بكره كمان  
للتأكد .. وقلت له انه .. حصل كذا وكذا وكذا وجانى السفير  
السوفيتى أبلغنى كذا وكذا وكذا على لسانك وأنا قلت له ..  
موقف مصر ان احنا مش هانوقف اطلاق النار الا بعد تحقيق  
أهداف المعركة ..

وفات اليوم ٠٠ يوم ٦ أكتوبر ١٠ رمضان ٠٠ وجه ٧ أكتوبر  
١١ رمضان ٠٠

بعد الظهر السفير السوفيتي قالوا طالب مقابلة عاجلة ٠٠ كنت  
أنا برضه في الطاهرة ما رحتش غرفة العمليات بقى - العملية  
ماشية مش محتاجة لى ٠٠ والقيادة وغرفة العمليات وكل  
انسان كان قايم بمسئوليته تمام ٠٠ جالى يوم ٧ بعد الظهر ٠٠  
يتصادف انه قبل ما يوصل لى بنص ساعة وصلتني رسالة الرئيس  
حافظ الاسد بالرد ٠٠ استغربت لانها غابت ٢٤ ساعة تقريبا في  
موقف زى ده خطير ٠٠ لان أنا بعث الرسالة بالليل ما جاتش  
الرسالة الا تانى يوم بعد الظهر وقال انه ما حصلش الكلام ده .  
ما حصلش ٠٠ ما حصلش - وأنا كنت واثق بأن الكلام ده  
ما حصلش لانه ما اتفقناش عليه ٠٠

جالى السفير السوفيتي بعد الرسالة دى ما وصلت بنص ساعة  
وقلت له كويس انك جيت لانه من نص ساعة بس رسالة  
الرئيس الاسد أهه - الكلام اللى انت بلغتهولى ابارح خطأ من  
أساسه ولم يحدث وغير صحيح ٠٠ السفير السوفيتي وشه  
اصفر وقال لى ده أنا جايب لك الطلب الثانى من سوريا وبواسطة  
القيادة السوفيتية بضرورة وقف اطلاق النار .

فى هذا الوقت احتديت على السفير السوفيتي فعلا وقلت له  
نقفل هذا الموضوع لان أنا باعتبار كلام حافظ الاسد فى هذا  
فاصل بالنسبة لهذا الموضوع وانتهى ٠٠ حاول يفتح معايا من  
قريب من بعيد قلت له لأ مش مستعد أسمع حاجة أبدا ٠٠ أنا  
بعث لسوريا ٠٠ الاسد قال لأ يبقى لأ ٠٠ خلاص ٠٠ ومشى  
السفير السوفيتي .

● أيقظني السفير البريطاني فجر يوم ١٣ أكتوبر  
ليبلغني رسالة من رئيس وزراء بريطانيا ،  
وقال إن كيسنجر اتصل به وأخبره أن السوفييت  
أخطروا أمريكا بأن مصر وافقت على وقف  
النار ، قلت للسفير البريطاني .. لم يحدث .

● حضر كوسيجين إلى مصر وأمضى ٤ أيام ،  
وطلب وقف النار وكرر أن لديهم طالبين  
من سوريا بوقف النار .. ورفضت .

● وافقت على وقف النار يوم ١٩ أكتوبر  
بعد أن هاربنا أمريكا عشرة أيام ،  
وهدنا في الميدان ، ونزلت أمريكا بكل ثقلها

● أرسلت على الفور إلى الرئيس الأسد رسالة في الساعة الثانية صباحاً شرحت فيها الوضع وقلت له إنني مستعد أن أهاجب على هذا القرار أمام شعبي في مصر وأمام الأمة العربية كلها .

● قلت لكوسيجين : لقد عبرنا بكباري الحرب العالمية الثانية التي تركب في ٥ ساعات، ورفضتم إعطائنا الكباري الحديثة التي تركب في نصف ساعة .

● ومع ذلك فإن القوات المصرية حققت معجزة .. ولم تتجاوز خسائر العبور ٤٠٠ شهيد، وكان تقدير السوفييت أن الخسائر ستكون من ٤٠ إلى ٦٠ ألف شهيد!

●● قبل ما يمشى قلت له بلغ حكومتك في هذا اليوم ده كان  
 تانى يوم هو يوم ١١ رمضان و ٧ أكتوبر قلت له بلغ حكومتك  
 ان المعركة دى معركة النفس الطويل .. ومعركة دبابات اللى  
 عنده دبابات أكثر ونفس طويل أكثر حيكسبها .. أنا مش محتاج  
 دلوقتى دبابات لكن بلغ حكومتك ان أنا عايز في أقرب فرصة  
 امداد بالدبابات .. كان ٧ .. مشى ..

زى ما سمعتم صحانى السفير البريطانى في يوم ١٣ أكتوبر  
 بخبر الفجر .. كيسنجر بلغهم قال لهم ان الاتحاد السوفيتى بلغ  
 كيسنجر ان أنا وافقت على وقف اطلاق النار .. فكيسنجر بعث  
 عبر بريطانيا لان ما كانش فيه اتصال بيننا وعلاقتنا مقطوعة ..  
 فبعث عبر السفير البريطانى عبر رئيس الوزارة هيث ووزير  
 الخارجية في ذلك الوقت المحافظ وبعث السفير الفجر صحانى  
 وقال هل الكلام ده صحيح علشان أمريكا تشتغل على وقف  
 اطلاق النار ..



قلت له محصلش .. لم يحدث .. وحكيت له المقاتلتين اللئيمتين  
فاتوا يوم ستة وسبعة وأنا ميش حنوقف اطلاق النار الا بعد  
تحقيق أهداف معركتنا . بعد ذلك جه كوسيحين رئيس وزراء  
الاتحاد السوفيتى .. لمصر هنا .. وطلب منى وقف اطلاق النار  
ايضا وقال نفس الكلام اللئيم قاله السفير السوفيتى من أن عندهم  
من سوريا أكثر من طليين لوقف اطلاق النار .

قلت له أنا آسف لأن أنا بعثت لحافظ الاسد ورد على وأنا  
غير مستعد أناقتش هذا الموضوع .. وقبل تحقيق أهداف  
معركتنا ميش مستعد أوقف اطلاق النار .. حصلت الثغرة وهو  
موجود .. حاول يضغط على يها .. قلت له دى معركة  
تليفزيونية مسرحية .. خمس فرق بتوعى فى الشرق ولن يشحب  
منهم عسكرى من الشرق .. ودباباتى فى الشرق والغرب أنا  
حاتعامل معاه .. التهريج بتاع ان حيوصلوا القاهرة والطريق  
للقاهرة قلت له ده تهريج وعملية مسرحية .

وسافر رئيس وزراء الاتحاد السوفيتى من هنا وأنا رافض  
وقف اطلاق النار .. الى أن جه يوم ١٩ أكتوبر ورحت القيادة  
بعد نص الليل بناء على طلب من القائد العام الله يرجمه المشير  
اسماعيل وكان رئيس الاركان بتاعنا رجع .. كنت بعته من قبلها  
بثلاثة أيام علشان يخلص عملية الثغرة والكلام ده .. أهمل ..  
فرجع ورجع أعصابه منهارة .. فالمشير اسماعيل قال لى لازم  
تيجى تشوف الوضع بنفسك كان حوالى القادة كلهم .. حسنى  
والجيسى وكلهم واتخذت قرارى يوم ١٩ قلت أبدا .. مافيش  
حاجة مافيش أبدا حاجة تدعو لهذا ، ولا للانهيار بتاع رئيس



الاركان ليلتها ، وعينت الجسمي منذ ١٩ أكتوبر رئيس أركان .  
 بس قلت لاسماعيل ماتذيعش هذا على القوات ولا على العالم .  
 لان اسرائيل حتشمت بدون داعى لان هم اللى بيغيروا فى قيادتهم  
 مش احنا اللى محتاجين نغير فى قيادتنا .

فى هذه الليلة بالذات . . كان بقى لى عشرة أيام بأواجه أمريكا  
 بذاتها . . اتخذت من العرش خلف الخطوط بتاعتى مباشرة . .  
 بكل وضوح كده قاعدة وبقت تنزل فى العرش علشان الامداد  
 يروح للجبهة فى أقل وقت ممكن - طبعا كل شىء كان فى خدمة  
 اسرائيل . . وبعدها عرفت انه كان القمر الصناعى الأمريكى  
 بيصور كل يوم ولما انتقلت فرقة من فرقنا المدرعة فى الغرب الى  
 الشرق كطلب سوريا لتكثيف عملنا العسكرى علشان نجدها -  
 على جبهتنا احنا - صوروا الأمريكان هذا وتقلوه للاسرائيليين ،  
 واتحطت عملية الثغرة من وقتها ، وكل الكلام ده قاله أليعازر  
 فى مذكراته . . مش محتاج ان احنا نستشهد بحد عليه . . رئيس  
 الاركان الاسرائيلى المعزول قاله فى مذكراته . . يوم ١٩ لقيتني  
 بأحارب أمريكا عشرة أيام لوحدى . . فى الميدان . . ونزلت  
 أمريكا بكل ثقلها .

الاتحاد السوفيتي ورايا . . قرار الخبراء لم ينسأه . . زيارة  
 كوسيجين أنا رحبت بيها أكبر ترحيب أثناء المعركة . . وقلت له  
 أهوه ده الكلام . . ومن هنا نبدأ علاقاتنا الحقيقية وننسى الماضي  
 كله . . ودى تكون أساس العلاقة الحقيقية اللى تقوم بيننا . . حاول  
 يتباهى على بللى يبيعتهوه ، قلت له لأ ماتبهاش لانى أنا عبرت

القناة بكبارى الحرب العظمى الثانية .. أكبر مانع مائى فى التاريخ أعبره بالكبارى بتاعة الحرب العظمى الثانية الم مادانيش غيرها الاتحاد السوفيتى . والكوبرى يتركب فى خمس ساعات . اتركبت الكبارى وعبرت وأزالت الحاجز الترابى أبو ٧ متر كل ده فى أقل من ست ساعات ، كانت كل قواتى جو والكبارى اتركبت والدبابات دخلت .. معجزة .. قلت له لا الكوبرى اللى عندك الجديد اللى اسمه (( ب. اندوب )) .. اللو ينفرد فى نصف ساعة مارضتوش تدهولى واديتولى أبو خمس ساعات .. قبلته .. عملت عمليتى ودخلت تقريبا بلا خسار .. كان تقدير السوفيت ان القناة ( هيكون فيها ) من ٤٠ الى ١٠ ألف قتيل فى العبور رسميا وموقع عليه منهم عندنا - ماتجاوزتشر خسائرنا فى العبور ٤٠٠ ، مع الكبارى أم خمس ساعات بتاعة الحرب العظمى الثانية .

ده الكلام ده لازم أقوله علشان الناس تعرفب قواتنا المسلحة عملت ايه ؟ .. أى مجد ؟ ..

لكن برغم هذا كنت حريص جدا .. قلت له أهو ده الوقت .. اللى نبتدى وبهذا الاسلوب نبتدى علاقات جديدة .. وفهم جديد .. ونسى اللى فات كله .

لكن ما وافقتلوش على وقف اطلاق النار .. وما وافقتش ان الاتحاد السوفيتى يتكلم عنى .. لانى أنا قلت من زمان ان اللى يتكلم عن مصر .. مصر .. هنا .. مش الاتحاد السوفيتى .. راح غضبان طبعا ..

زى ما قلت لكم يوم ١٩ لما ده موقف أمريكا قدامى واخسده  
 قاعده .. فى أرضى .. وده موقف الاتحاد السوفيتى ورايا ..  
 كان على أن آخذ قرار .. يوم ١٩ اتخذت القرار الساعة ٢ بالليل  
 انى بأوافق على وقف اطلاق النار على الخطوط الحالية بضمان  
 القوتين الاكبر وتنفيذ قرار ٢٤٢ فوراً .. زى ما ورد فى القرار  
 تماما ..

أول حاجة عملتها بعثت رسالة الساعة اثنين صباحا للرئيس  
 حافظ الاسد فى سوريا وقلت فيها ، شرحت له الوضع ، وقلت له  
 حافظ الاسد فى سوريا وشرحت له الوضع ، وقلت له ان أنا  
 اتخذت الآن قرار بوقف اطلاق النار لانى لا أحارب أمريكا ،  
 وأنا مستعد أن أحاسب على هذا القرار ، أمام شعبى فى مصر  
 وأمام الامة العربية كلها ، لكن أنا مش مستعد انى أضحي  
 لا بشعبى ، ولا بقواتى .. ولا بالجيش المصرى كما حدث فى ٦٧  
 تانى ..

● بعد يومين من رسالتي إلى الرئيس الأسد قال حزب البعث السوري : إن السادات انفرد بقرار بوقف النار وفكسر معركته الأمة العربية .. ومعركته سوريا !

● إن برقيتي للرئيس الأسد يوم ١٩ أكتوبر بكل التفصيلات لا يمكن أن يغير التاريخ الصحيح . والقول بغير هذا مزاييدات ومسرهييات وعنتريات ، ليست من طبعي .

● ولكن المسرعية استمرت .. رغم أنني نشرت برقيتي في ١٩ أكتوبر إلى الرئيس الأسد .

● .. ثم جاءت مباحثات فك الاشتباك،  
 وكان الرئيس الأسد في مصر في نوفمبر  
 وأخبطه بأن كيسنجر سيأتي في الشهر  
 القادم إلى مصر وإلى سوريا، لإجراء  
 المباحثات وسيتم فك الاشتباك في مصر  
 وفي سوريا . ثم نذهب إلى جنيف .  
 ووافقه الرئيس الأسد .

● وفجأة تعلن سوريا أنها لن تذهب إلى جنيف!

● وكل هذا يشهد عليه الرئيس لهواري بومدين  
 لأنني واجهت به الرئيس الأسد في الجزائر .

●● والرسالة نشرت ومعروفة هنا بقي نبتدى مرحلة جديدة  
يعنى ، اللي فات مع تبليغات السوفيت ده كله أنا قلته ده ، يمكن  
هم اللي مسئولين عنه ، انما من هنا نبتدى مرحلة جديدة غربية  
بتفسر أو بتلقى الاضواء على مواقف اليوم وعلى التضييل المتعمد  
الى يتحط قدام رجل الشارع العربى ، بعد وقف اطلاق النار  
.. اتتم عارفين ايه اللي جرى ، أنا طلبت وقف اطلاق النار ..  
وجه يوم ٢٢ حزب البعث آل يناقش العملية يومين .. لسه  
يناقش العملية يومين .. يوافق على وقف اطلاق النار ولا لا ؟  
وزاح طالع على الامة العربية بعد كده حزب البعث السورى وقال  
ان السادات هوه اللي طلب وقف اطلاق النار وخسر المعركة بتاعة  
العرب .. وسوريا بقي كانت حاتعمل هجوم معاكس وسوريا كانت  
مستمرة فى المعركة ، طيب كانت سوريا فى وقتها واحنا كنا فى  
دلو قفى فى الاوضاع ، ما هى الاوضاع واضحة ومعروفة  
نزلت قالت للامة العربية وأضطر أنا انى أنشر برقىتى له يوم ١٩



الى اتقال انه ما اداناش خبر بوقف اطلاق النار وخذ القرار لوحده ، ولا عندناش خبر ، وفوجئنا بوقف اطلاق النار يوم ٢٢ ، يوم ١٩ الفجر عنده الرسالة واضطريت أنشرها ، بالتاريخ ١٩ الساعة اثنين الفجر •

طلع الكلام للامة العربية ان السادات هو الذى طلب وقف اطلاق النار : ومصر هى التى بولت المعركة التى وقعت فيها لوحدى أمام أمريكا ١٠ أيام وبرغم أنها أمريكا وقفتها على خط ٢٢ الذى كان مقتل لاسرائيل باعترافهم وباعتراف أليعازر نفسه وقفتهم قواتنا المسلحة على خط ٢٢ وعلشان كده انتهزوا الفرصة بعدها بساعتين من وقف اطلاق النار وعملوا الاختراق بهدف انهم يكسبوا حاجة لان خط ٢٢ فى الغرب طلع أسوأ من وضعهم مكانهم فى الشرق •

طلع الكلام بقى •• احنا ما بتكلمش وقلنا لهم : تقفل مواضيعنا ونخلى المسائل للتاريخ ، نلقى حزب البعث طلع قال ان السادات هو الذى طلب وقف اطلاق النار وهو الذى ضيع المعركة بتاعة الامة العربية •• أدى بدء الكلام الذى أنا حكيت فكم عنه النهاردة الذى هو عمليات المناورات •• والمزايدات والمسرحيات التى بتتمثل على الامة العربية النهاردة •• ثبت انى أنا أرسلت لهم يوم ١٩ من قبلها بثلاثة أيام وشارح العملية وقابل وأنا قلبى يقطر دما فى البرقية ، قابل وقلبى يقطر دما أنا بوافق على وقف اطلاق النار •• لانى ما كنتش مستعد لأتحمل تاريخيا مسئولية انى أدمر قوات مضر المسلحة مرة أخرى ، وأضحى



بأولادى ، وشعبى مرة أخرى - وأنا بأحارب أمريكا ، ولا قبل  
لى بأمريكا .. وبأقولها .. ما أنا مش بتاع مسرحيات  
ولا مزایدات . أنا ما حاربش أمريكا .. أحارب اسرائيل ، لكن  
ما حاربش أمريكا - آدى أول المسرحيات . اللى طلعت على  
الامة العربية .. رديت عليها وطلعت الجواب .. البرقية اللى  
راحت يوم ١٩ ، ونشرت \*

تقف المسرحيات ؟ لا !! جينا فى ديسمبر ٧٣ بعد وقف اطلاق

النار ..

فى الوقت ده أنا جمعت القيادات كلها عندى .. خطة تصفية  
الجيب حطيناها . صدقت على الخطة . عينت قائد للشجرة لوحدها  
غير قادة الجيوش .. كل شىء انتهى وجاهز على الامر فقط اللى  
أديه .. وجه كيسنجر فى ديسمبر .. كان قبلها فات على فى  
نوفمبر . عملنا النقط الستة .. وفات على فى ديسمبر .. قلت  
له الشجرة .. باحب أعرف ما هو موقف أمريكا يوم ما أصفى  
الشجرة ؟ .. لانى أنا ما يهمنىش موقف أى حد تانى غير موقف  
أمريكا .. قالى هندخل ضدك .. وبكل قوة أمريكا لانه لن  
نسمح أن ينهزم السلاح الأمريكى مرتين . طيب .. والشجرة ..  
قال لى النقط الستة احنا كاتين خط ٢٢ فى اطار فض اشتباك .  
قال لى قطعنا .. قبل ما آجى لك أنا من هنا أنا جايب من  
البتاجون صور ومدينى صورة قواتك ايه اللى أمام  
الشجرة ، وقوات الاسرائيليين ايه ؟ وعارفين الوضع .. وحتبقى  
معززة .. عارفين انها حتبقى معززة .. لكن سندخل ضدك ..

لكن في اطار فض الاشتباك الناس دول يروحوا الشرق لانه هم فعلا في مأزق دلوقت .. لوجودهم في الغرب .. طيب ما تعمل لنا فض الاشتباك على طول .. كان قبلها الرئيس حافظ الاسد عندي قبل كيسنجر ما يفوت على في ديسمبر ، فات على الرئيس حافظ الاسد فاتفقنا ان لما كيسنجر يفوت يعمل لنا فض الاشتباك اللي أنا قلت اني أنا بلغت الاسد به في نوفمبر وهو انه بالنسبة لمصر يبقى الشرق .. وبالنسبة لسوريا يروح يتفق معاهم عليه .. وبس مايكونش أقل من الخط اللي ابتدوا منه ومضافا اليه القنيطرة .

والكلام ده شاهد عليه أبو مدين من نوفمبر لانه لما رحنا الجزائر في مؤتمر القمة قلت هذا الكلام لبومدين .. وهو شاهد وعارف .. فلما فات على في ديسمبر الاسد قلت له .. ان كيسنجر حيفوت .. جاي مصر .. وحروح سوريا طبعاً .. قال لي طيب .. وقلت له حيتكلم في جنيف .. لانه احنا مطلوب عقد مؤتمر جنيف .. وكان مطلوب عقده في ديسمبر .. قال لي .. وايه رأيك انت ؟ قلت له رأيي انه احنا نروح جنيف لان احنا مش الطرف اللي يخاف من جنيف .. الطرف اللي يخاف من جنيف اسرائيل .. قال لي طيب .. وأمريكا تتم لنا قبل جنيف فض الاشتباك .. قلته له لما يجي كيسنجر حاقول له .. ما فيش شك .. فجاني كيسنجر .. وسألته السؤال اللي قلت لكم عليه .. رد على .. قلت له طيب .. قبل ما يتعقد جنيف مش تتم فض الاشتباك على الجبهتين .. قال لي .. يعنى أنا وعدتك ولكن

ما أقدرش أعمل هذا قبل يناير .. وشرح لى ظروفه .. واقتنعت  
 بيها .. قال لى ايه رأيك فى جنيف ؟ قلت له .. ما فيهاش حاجة  
 .. احنا ما بنخافش من جنيف .. اللى يخاف من جنيف اسرائيل  
 .. وعلى ذلك .. أعلنت ان أنا رايح مؤتمر جنيف .. جاه هو  
 راح لسوريا بعد كده .. وبعدين فجأة نعلن احنا اننا رايحين  
 جنيف تيجى سوريا أعلنت انها مش رايحة جنيف .. بعث ليه ..  
 قال لان ما عملناش فض الاشتباك على الجبهتين قبل ما نروح زى  
 ما احنا متفقين .. الله .. طيب هو ده فى ايدي .. ده فى ايد  
 الطرف الثالث اللى هو كيسنجر مش أنا .. وهو اللى يقدر  
 يخلص ديسمبر والا يناير .. وبيقول ادونى لينساير بس ..  
 وأبتدى على طول فى العملية وخلاص .. يعنى المسألة مش تقصير  
 من جانبى .. ده الطرف اللى ها يعمل هذا بيقول منيش جاهز  
 قبل يناير ..



● وطلعت مسرحية حزب البعث الثانية.  
 مصر اتفقت مع أمريكا على حل منفرد !  
 وستذهب مصر إلى جنيف ، وتترك سوريا  
 وعندها في الميدان !

● وذهبتنا إلى جنيف وعرف العرب أن  
 كل ما أبلغهم به وزير خارجية سوريا  
 غير صحيح .

● ويوم توقيع ذلك الاشتباك الأول ،  
 اتصلت بالرئيس الأسد ، وأبلغته بزيارتي  
 لسوريا في اليوم التالي إذا لم يكن صحيحاً  
 أن سوريا ستقطع علاقاتها بمصر .

● وشرحت للأخوة في سوريا في اجتماع  
 طويل عقائده كل ما يجري .. ولكن ذلك  
 لم يمنع من استمرار المسرحية ! والزعيم بأن  
 سوريا وعندها في الميدان .

●● راح سايق فيها حزب البعث .. وزى عملية وقف إطلاق النار راحت قايمه مسرحية جديدة .. مصر اتفقت مع أمريكا ومع كيسنجر على فض اشتباك وانها هتطلع من المعركة وتعمل حل منفرد وهاتروح جنيف وسوريا البطلة واقفة لوحدها ويا عرب الحقوا سوريا احنا اللي واقفين لوحدها في الميدان .. ويسافر وزير خارجية سوريا مبعوثا عن حزب البعث ويتقابل العرب على الخليج .. وسمعتوني في الاجتماع الاخير بأروى القصة .. يجيني جواب من فيصل الله يرحمه الفجر .. وبعدها بساعتين وزير تاني من الكويت يجيني .. وزير خارجية السعودية جاني بالجواب من السعودية .. ووزير الدولة جاني بالجواب من الكويت والاثنين في فزع .. ليه ؟ سوريا بلغتهم انها بقت في الميدان لوحدها .. ومصر خرجت من المعركة ومتفقة مع كيسنجر ورايحة جنيف ، ومرواحها جنيف ليس الا واجهة فقط لاعلان الاتفاق الذي تم بينها وبين أمريكا .. وخرجت مصر بمقتضا .. وعملت حل منفرد .. حاجة تقرف .. مسرحية طلعت للامة العربية .. وللعالم العربي .. حاجة تقرف حقيقي .. قرف ..



وجالى الوزيرين مفعوعين من فيصل ومن أخونا صباح السالم  
أمير الكويت .. قلت للوزيرين ما تسمعوش هذا الكذب  
والاختلاق .. مصر عارفة واجبها القومي .. ومصر رايحة  
جنيف لانها مبتخافش من جنيف واللى يخاف هى اسرائيل ..  
ولن يحدث فض اشتباك حتى على الجبهة المصرية قبل يناير زى  
ما قال كيسنجر .. وهايحصل على الجبهتين .. مصر وسوريا  
ده موقف مصر .. ولا بنعمل حل منفرد ولا سايين سوريا  
لوحدها .. ولا ولا ولا ..

أدى تانى عملية .. مسرحية .. المسرحية الاولى وقف اطلاق  
النار .. والمسرحية الثانية حكاية جنيف .. المسرحية الثالثة  
فوجئت فى يناير .. جه كيسنجر .. رحنا بقه جنيف ، واتضح  
أن جنيف لم تكن واجهة ولا حاجة .. لاعلان الاتفاق اللى  
قال عليه وزير خارجية سوريا للعرب .. وان أنا متفق مع  
الامريكان وماشين ومخلصين والحكاية كلها اعلان بس .. جه  
جنيف جه يوم ٢١ وخلص يوم ٢٤ وقعدنا مجتمعين وعلى الكيلو  
١٠١ ووقت أنا الاجتماع فى مرحلة من المراحل وقلت الكلام ده  
ما يعجبنيش فجّه كيسنجر فى يناير وابتدأ ، كما وعد عملية، فض  
الاشتباك على الجبهة المصرية .. زى ما وعد بالضبط ..  
وتتلوها الجبهة السورية .. قامت مرة ثانية قيامة سوريا ..  
حزب البعث .. مسائل بالنسبة لهم أنا قلت هنا انها بتبقى نظرات  
ضيقة ونظرات حزبية وأوضاع داخلية .. طيب ليه ندخل فيها  
القضية الكبرى بتاعتنا ونفضل شعوبنا وأمتنا .. لما يكون  
عندنا مشاكل .. هو فيه واحد منا يخلّى من مصاعب داخلية



عنده ، ما أنا عندي مصاعب داخلية اقتصادية وحاجات كثيرة  
وعمال أعالج فيها .. لكن عمري ما دخلت هذا في القضية  
القومية أبدا .. ولا اتخذت حجة لا لمهاجمة حد ولا للتشجيع على  
حد .. لأ ، حزب البعث في سوريا غير كده ، لقي مصر ستم فض  
اشتباك .. ولقي حكاية أن مصر خرجت من المعركة وانفقت مع  
أمريكا مامشيتش وانكشفت الحكاية وجه جنيف وعدى ولا فيه  
اتفاق ولا فيه فض اشتباك ولا ولا ولسه يناير جاى ابتدت عملية  
يناير قامت قيامتهم تاني في الامة العربية .. وفضل كيسنجر  
رايح جاى على في اسوان لغاية ما تم الاتقان الاولاني كان  
توقيعه يوم الجمعة الصبح .

يوم الجمعة الصبح جاني الراجل الطيب أحمد الخطيب رئيس  
وزراء الحكومة الاتحادية اللي بيننا وبين سوريا وليبيا .. وده  
من قيادة حزب البعث . من القيادة العليا بتاعتهم . يعنى ماهوش  
صغير .. لأ مكانه كبير ورجل عاقل ورزين .. وجالي اسوان  
الصبح يوم الجمعة .. في هذا اليوم أنا قاعد مستنى كيسنجر  
يوصل من اسرائيل علشان التوقيع حيكون الضهر عند الكيلو  
١٠١ ووقت التوقيع حنكون قاعدين . لاني كنت أنوى اني  
أقوم بعدها برحلة للعالم العربي وفعلا بعد التوقيع في نفس هذا  
اليوم يوم الجمعة بعد التوقيع سافرت على طول للعالم العربي ،  
وبدأت رحلتى على طول . جاني يوم الجمعة الصبح الخطيب وقال  
لى الوضع يعنى قد يسوء ويعنى بحكمتك يعنى أنت وزميلك  
وشريكك تقدرؤا تسوؤا هذه المواضيع . قلت له أنا ما باعملش  
منكر .. ده عندكم علم بهذا الكلام من نوفمبر اللي فات ومتفق

على الخطين .. الخط اللى لمصر فض الاشتباك والخط اللى  
لسوريا .. ويعلم هذا الرئيس حافظ الاسد ويعلمه الرئيس  
بومدين اللى كنا مجتمعين عنده فى الجزائر فى نوفمبر واحنا  
النهاردة فى يناير .. ايه لزوم ده كله ؟ ..

فهمت منه أن سوريا أدت أوامر أن كل سورى هنا اذا وقع  
الاتفاق ينسحب وبما فيهم السفارة السورية وكله واللى فى  
الاتحادية وكله .. كله .. كله .. اذا وقع الاتفاق .. قلت له  
والله أنا آسف .. أنا حاوِقع الاتفاق النهاردة خلاص .. وكيسنجر  
كان فى الطريق .. قلت له كيسنجر جاى فى الطريق .. قال طيب  
تعالى كلم الرئيس حافظ الاسد .. اطلبه فى التليفون ..

من اسوان .. قلت له وهو كذلك وطلبنا الرئيس حافظ الاسد  
.. وأثناء ما أنا بأكلمه دخل كيسنجر قلت لهم قعدوه فى الجنيّة  
كلت الرئيس حافظ .. قلت له الاخ الخطيب بلغنى كذا ..  
وكذا .. وكذا .. أنا لعلمك حاوِقع الاتفاقية النهاردة وحيصل  
فض اشتباك عندك الخط اللى حكيت لك عنه عندى والخط اللى  
عندك بعدى على طول .. طب أجل .. قلت له ولا لحظة ..  
قلت له أنا باسأل سؤال .. هل الكلام ده صحيح ؟ هذا معناه  
قطع علاقات اذا كان كده أنا عامل فى بروجرامى انى أكون بكره  
عندك .. اذا كان الكلام ده حقيقى يبقى مافيش داعى آجى ..  
اذا كان مش حقيقى أنا حاوِقع النهاردة .. قال لأ ما خدناش  
قرار بهذا وأنا مستنيك بكره ..

وفعلا يوم السبت تانى يوم رحى واجتمعت فى مطار دمشق  
بالجبهة الوطنية اللى فيها حزب البعث وفيها بقية الاطراف الاخرى

وشرحت موقفي وكان معايا أيامها الاخ سيد مرعى وخذنا جلسه  
 في المطار شرحت لهم كل حاجة فيها .. تطلع المسرحية الجديدة  
 .. مصر عملت فض اشتباك وسابت المعركة .. وساية سوريا  
 لوحدها .. والحقوا يا عرب سوريا لوحدها .. المرة دى مفيش  
 الفلسطينيين .. لغاية دلوقت نلاحظ ما فيش الفلسطينيين ..  
 مصر عملت مصر عملت .. يا عرب .. وشوية وقالوا ايه حرب  
 استنزاف علشان سوريا واقعة لوحدها وبنعمل حرب استنزاف  
 وبعدين بعد ده كله حصل فض الاشتباك وبالخط اللي أنا قايل له  
 عليه من نوفمبر واتته العملية وهبطت .. لكن الى أن حصل ده  
 طلعت سوريا عاملة حرب استنزاف وفي المعركة لوحدها .. ومصر  
 تركت الميدان وشيء مقرف مرة أخرى قدام الامة العربية .. بس  
 المرة دى مصدقوش .. ليه .. لانهم كانوا عارفين ان العملية  
 ماشية وفض الاشتباك جاى .. وجه فعلا فض الاشتباك ..

● كل الحقائق تلوى أمام زحل الشارع العزلى  
لنشوء موقف مصر وتجريح مصر، وأنا أعتبر أن  
كل شئ يتم في سوريا لهون مصر لمصر، وكل شئ  
يتم في مصر لهون مصر لسوريا.

● مصر أوجدت المعركة، لأننى صممت على عدم  
وقف النار ١٧ يوما، ولهذا تدخلت أمريكا.

● بعد أن تدخلت أمريكا..  
تدخلت الأمة العربية بالبترول.

● اتفقت مع كيسنجر قبل أن يحضر فى مارس  
الماضى، أن يكون قد بدأ الحوار مع الفلسطينيين

● ولكن الفلسطينيين أصدروا بيانا قبل أن يحضر كيسيخربشرة أيام وقالوا إننا نقايض قطعة الأرض بقطعة من المبادىء !

وأجرت عرفات بأن هذا البيان الذى كتب له فى سوريا ، كان عندي فى مصر قبل صدوره بخمسة أيام .

● وأجرت عرفات بحقائق أكثر .. قالت سوريا للفلسطينيين أن مصر والأردن تركتا سوريا والفلسطينيين وجههما .

● وبدأوا يدقون الفلسطينيين طرفا .

وأقول لها على الملأ .. من وراء هذا كله .. كان الاتحاد السوفيتي .

●● آدى مسرحية ثالثة .. وكله على مصر .. وأنا ميش فاهم .. احنا يعنى لاتنا احنا هل ذبننا ان احنا بنرفض أن يتجمد الموقف ونعود للاسلم والا حرب تانى تقوم قتهم بهذه الاتهامات .. طيب يعنى عنده متاعب داخلية حزب البعث فى سوريا .. طيب ندخل القضية القومية ليه فى المتاعب الداخلية ما كلنا عندنا متاعب داخلية ..

بعدها جه نيكسون زارنا هنا .. اتفقنا ان الخطوة التالية تكون فى سبتمبر أربعة وسبعين اللى هى تمت فى سبتمبر ٧٥ . الخطوة الثانية دى فض اشتباك أيضا على الجبهتين المصرية والسورية .. وراح من عندى نيكسون الى اسرائيل وخطب وحمل لهم هذا الكلام وقعدنا نجهز نفسنا وأنا بقى قلبت ما باردش على حد . خلاص كفاية بقى .. يعنى كفاية مسرحيات لكن كان صعبان على ليه فضل أمتنا .. ليه فضل شعوبنا .. ليه ما نقولش الحقيقة .. رجع نيكسون للولايات المتحدة .. حصل اللى حصل فى ووترجيت واستقال .. اتأجلت العملية من سبتمبر لان نيكسون استقال اتأجلت من سبتمبر لاكتوبر لنوفمبر لديسمبر ليناير .. هناك مافيش الا فبراير ٧٥ لما جه كيسنجر هنا أول مرة السنة دى .. فى المحاولة الاولى اللى فشلت ..



الحقيقة أنا قرفت وما بقيتش بقى أرد على أى كلام ليه .. لان  
المسائل زادت وطفحت خالص ..

كل الحقائق بتتولى قدام رجل الشارع العربى .. لا تشيء  
الا لتجريح مصر .. لتشويه موقف مصر .. وده موش من ..  
يدون مصر .. أنا النهاردة بأقولها لأول مرة .. بدون مصر  
مكنش فيه معركة عرية .. لاني صمتت على عدم إيقاف اطلاق  
النار ١٧ يوم .. أنا ما بادعش .. ومنيش مغرور انما البترول  
اتعمل لانه بعد ما تدخلت أمريكا ، الامة العربية تدخلت بالبترول  
.. قبل ما تتدخل أمريكا لو أوقفت اطلاق النار .. ما كان  
حيتستخدم سلاح البترول ..

وما كان حيكون العرب اللي طلعاوا القوة السادسة زى ما هم  
النهاردة .. انما لما أثبتنا للعالم ١٧ يوم منهم ١٠ أيام قدام أمريكا  
أنا ما بمنش على حد .. ومايش مغرور .. بل أنا باعتبار ان كل  
شيء يتم عندى هو نصر لسوريا .. وكل شيء يتم فى سوريا  
هو نصر لى .. ده مفهومى .. مايش عارف ان حزب البعث له  
تفكير آخر ..

جه كيسنجر فى يناير .. فى فبراير .. وقعد فترة ورجع تانى  
فى مارس السنة دى .. قبل ما يجى بقى فى مارس .. أنا اتفاقي  
معلو وبأعلنها دى لأول مرة علشان يسمعها اخوتنا الفلسطينيين  
ويسمعها الشعب الفلسطينى فى كل مكان علشان يكون حكم ..  
أنا اتفاقي مع كيسنجر وبأعلنها لأول مرة أنه قبل ما يجى فى  
مارس بأسبوع يكون بدأ الحوار مع الفلسطينيين .. قبل  
ما يجى بعشرة أيام طلع البيان الفلسطينى اياه .. الدور ده بقى  
حزب البعث لقي انه عمل ثلاث مسرحيات فى وقف إطلاق النار  
.. وفى مؤتمر جنيف .. وفى فض الاشتباك الاول .. ومنغوش



وماجازوش ..

وعمل المسرحية الرابعة بواسطة الفلسطينيين . وقلت هذا الكلام لياسر عرفات في الرياض ، قبل البيان لما يصدر بخمس أيام كان عندى صورته الى محطوط لهم من سوريا .. البيان مكتوب من سوريا بدافع من الاتحاد السوفيتى الى بيتهم مصر انها بتقايض قطعة من الارض بقطعة من المبادئ . واجهت ياسر عرفات في الرياض بهذا وقلت له البيان مكتوب لك في سوريا - وقلت له على وقائع أكثر - لما اتقال للجنة التنفيذية الفلسطينية في دمشق أن مصر اتفقت خلاص هي وأمريكا والاردن .. أما احنا يا سوريا وفلسطين رايجين في داهية . تعالوا نتفق ولما طلغوا حكاية القيادة المشتركة . تعالوا نتفق لحسن مضر سابتنا لوحدها .. وابتدوا يدفعوا الفلسطينيين ضدنا ، ومن وراء هذا كله .. على الملأ بأقوالها .. الاتحاد السوفيتى .

كتب البيان وقبل كيسنجر ما يجى بعشر أيام طلع ، وشتموا أمريكا وأنا ماليش دعوة بشتمة أمريكا يشتموها منهم لها .. هما أحرار ترد أمريكا انما جم على مصر وقالوا : مقايضة قطعة من الارض بقطعة من المبادئ وعلى طريقة الارهاب اللي هما متصورين انها تنفع دى أو تمشى . قالوا : ولقد قررت اللجنة التنفيذية ارسال وفود الى البلاد العربية ، بعد ما طلغوا البيان . جيت أنا مطلع لهم تانى يوم انه أنا آسف لا أقابل وفد فلسطينى . أنا عايز اللجنة التنفيذية بحالها تيجى هنا مش عايز وفد .. عايز اللجنة تيجى هنا علشان تتحاسب على مقايضة قطعة من الارض بقطعة من المبادئ .. ايه الكلام ده .. عايزين تشتموا أمريكا ما تشتموها اتم أحرار انما بتشتموننا احنا ليه .. العملية .. سوريا غيرت . حزب البعث غير . بدل هو ما يعمل المسرحية عايز الفلسطينيين يعملوها

● قلت لعرفات في الرياض أمام الرئيس بومدين :  
إذا أردت سوريا أو أردت الاتحاد السوفيتي  
أن يهاجم مصر ، لا داعي لتعليق يافطة فلسطين

● شعبنا جاع وتعرى من أجل قضية فلسطين  
ولم يفض ، ولم يسع إلى تسوية منفردة  
كما قيل للفلسطينيين من سوريا والاتحاد السوفيتي

● التسوية المنفردة كلمة مستوردة ، قالها لحب  
جروميكو . وقلت له آسف . إنني أفض لهذا الكلام

● استغلت إسرائيل هجوم الفدائيين على الفدية  
وطالبت بإنهاء حالة الحرب لأول مرة وهي تعرف  
أنه مطلب مرفوض تماما .

● قبل لقائي بفورد في سالزبورج ، اهتمت الرئيس  
الأسد ٣ ساعات وشرحت له كل شيء عن  
فض الاشتباك .

● ثم مرة أخرى تطالع مسرحية البند السرية  
وكنت هزرت يا سر عرفات ما يباغ لم السوفيت

●● وفي الرياض قلت لياسر عرفات ، وهو سامعنى دلوقت  
 ياسر عرفات .. قلت له يا ياسر قدام الرئيس بومدين ، قلت له  
 يا ياسر لما حد يحب يهاجم مصر .. بلاش ياخذ يافطة فلسطين  
 ويعلقها .. سيبه يهاجمنى منه له . بلاش ياخذكم اتم ، قدام  
 بومدين هذا الكلام وبالعرى الفصيح .

قلت له اذا كان الاتحاد السوفيتى عاوز يهاجمنى بلاش تخليه  
 يعلق يافطة فلسطين يا ياسر ، واذا كانت سوريا عايزه تهاجمنا  
 بلاش نخليها تعلق يافطة فلسطين .. آدى اللى باقول عليه ان  
 احنا مستعدين هنا فى الزوابع دى . مستعدين تتحمل مرة أخرى  
 لمشلى الشعب الفلسطينى تسرعهم واستجابتهم بس مش انخداعهم  
 لأ .. دى استجابة لانهم عارفين .. عارفين اتقال لهم فى سوريا  
 انى اتفقت أنا وأمريكا والاردن ، وطلع كذب ، اتقالهم بعد ذلك  
 آدى بنود الاتفاقية اللى توصلت اليها مصر مع أمريكا ، وآدى  
 البنود السرية فيها وآدى البنود العلنية فى مارس الماضى ..  
 وفوجئوا هم والعالم كله أن مصر بتقول لأ ، ومافيش لا اتفاقية  
 ولا بنود سرية ولا بنود علنية ، ياخدوش ، يعنى ياخدوش موعظة



من الكلام ده اللي يجرى .. من هنا بدأ بقى استخدام يافطة فلسطين ، وكلنا عارفين ، العالم العربى كله ، وكلنا عارفين ان اسم فلسطين حساس عند كل عربى ، قضية بيعتبرها كل عربى قضيته ..

واحنا جميعا بنفنى علشانها .. الشعب ده هنا جاع ، واتعري .. وبعد ما كان من أغنى بل أغنى الشعوب العربية .. بقى أفقرها علشان قضية فلسطين .. ولا زعلش ولا عملش تسوية منفردة زى ما بيتقال لهم من الاتحاد السوفيتى أو من سوريا .. وأنا قلت قبل كده كلمة التسوية المنفردة .. كلمة مستوردة لانه دى حصل انه قالها لى جروميكو فى القناطر قلت له — لمدة ساعة كان النقاش — قلت له أنا آسف أنا أرفض هذا الكلام رفضا باتا . أنا عارف واجبى العربى ، ومصر عارفه مسئوليتها العربية ، دخل حزب البعث اليافطة الفلسطينية من مارس الماضى .. طلع بيان كان لسه كيسنجر ما جاش .. لسه ما وصلش . قال قبل ما يجى بيان ، وان احنا حنقا يرض قطعة من الارض بقطعة من المبادئ . ومارديتش عليهم وقلت لهم آسف لا أستقبل حد .. تيجى لى اللجنة التنفيذية بحالها علشان أناقشها . أنا مش خايف من حاجة .. وجه كيسنجر وطبعما ما حصلش الحوار بينه وبين الفلسطينيين ، لانه قبل ما يجى لى بعشر أيام طلع البيان ده فيه أنا وهو .. طب أنا مالى .. هم معرفتهم مع أمريكا وهم يشتموا الاتحاد السوفيتى .. لكن أنا ما بشتغلش بالتجارة دى .. لا . أنا اللي بيعمل صح باقول له صح .. واللى بيعمل غلط باقول له غلط .. أمريكا أو الاتحاد السوفيتى طبعما ما حصلش الحوار اللي احنا كنا متفقين عليه ليه — لان دوله رافضين من الاول خالص —

يوم ما وصل هنا ويشتغل في الاتفاقية اللي فشلت ، واللى مصر قالت لا فيها .. عملوا حكاية الفندق اللي حصلت في اسرائيل . باحكيها دي لاول مرة . بعثوا ناس على فندق هناك في اسرائيل فدائبين واقتحموا .. طب دي عملية بتحصل كل يوم . الدور ده ادوهم قوارب مكتوب عليها بور سعيد ومصر ، واحنا جاين من بور سعيد ، واحنا جاين من مصر علشان كيسنجر وهو عند اسرائيل تقول له طب وانت بتشتغل ازاي على فك ارتباط ثاني .. ومصر بعثت لنا الجماعة دول .. حد سمعنى منكم اتكلمت عنها الا النهاردة .. ما اتكلمتش عنها أبدا .. اعتبرت ان دي حادثة من الحوادث اللي تفوت .. بس اسرائيل بقى كانت أشطر منهم .. ليه .. لانها لقت ان فيه امكانية انها تحدث ببلدة في وسط الامة العربية .. قامت تعنتت وطلبت انهاء حالة الحرب .. الكلام ده من أيام نيكسون ما كان موجود هو وكيسنجر هنا في صيف ٧٤ وراحوا اسرائيل ، واتفق على أن انهاء حالة الحرب ده أمر لا يجوز مناقشته اطلاقا .. وكان تفكيرى ولا يزال .. ان انهاء حالة الحرب معناه انى بأقول لاسرائيل اتفضللى احتلى أرضى .. خليكى قاعدة براحتك .. وأعلنتها وقتلتها على لسانى ، وطلعت في الامة العربية ..

لكن ايه هى المسألة .. التهريج والصوت العالى والمظاهرات، ويروحو السفارة بتاعتنا في دمشق يخشوا يكسروها .. طب ما أنا أقدر أكسر لهم سفارتهم هنا .. بس احنا ما نلجأش الى هذه الاساليب الفوغائية الشوارعية ، احنا بنفكر بعقلنا، وبنحترم قضيتنا ، وبنحترم تفكيرنا وبنحترم الناس اللي وقفوا معنا وقفوا

معانا في ستة أكتوبر - أيا كان الذي حصل منهم بقي بعد ذلك  
مستعدين بفضل واقفين معاهم باستمرار .. هو صعب اني أبعت  
أكسرها مش صعبة أبدا .. والمظاهرة معروفة التي اتعملت في  
دمشق ، وتحت سمع وبصر الامن .. وبين الذي عامل المظاهرة  
معروف .

أدى تاريخ دخول فلسطين ، وياقطة فلسطين .. جينا قلنا لا  
.. في الاتفاق الاول لان اسرائيل طبعا لقت الدنيا جاهزة انها  
تفرکش العالم العربي .. تمننت .. جالي كينسجر قلت له آسف  
.. انتهى الموضوع ، وفشل الاتفاق الاول .. وقابلت  
الرئيس فورد في سالزبورج ، وقبل ما أقابله لو تذكروا .. أنا  
زرت الكويت والعراق والاردن وسوريا .

وفي سوريا اجتمعت بالرئيس الاسد أكثر من ثلاث ساعات ،  
وقلت له أنا حاقابل فورد ، وفورد عاوز محاولة أخرى لفض  
اشتباك على الجبهتين .. أخطرته بهذا ، وانه اذا كان فض اشتباك  
فأنا موافق على هذا ، وأنا ما عندي مانع أبدا واتفينا على هذا  
.. وبمنتهى الوضوح رجعنا من بعد فورد .. جه كينسجر ..  
ابتدأت المسرحية الدور ده بقي .. الثلاث مسرحيات التي فالت  
.. كان حزب البعث متصور المرة دي دفع الفلسطينيين يتصدوا  
.. هو واقف ساكت، أو يشتغل من تحت والفلسطينيين هما الذي  
يكتبوا له وهم الذي ينشروا له البيانات وقضية فلسطين راحت  
ومصر خرجت من المعركة .. الاتحاد السوفيتي رفض أن يحضر  
التوقيع .. احنا رحنا جنيف علشان خاطر الاتحاد السوفيتي ..  
بجد .. أنا كان ممكن أوقع الاتفاقية هنا في الارض بطاعة الامم



المتحدة اللي بين القوتين على أرضي في سيناء هنا كان ممكن  
أوقعها زي الكيلو ١٠١

انما رحنا جنيف علشان الاتحاد السوفيتي الحقيقة .. قال  
.. هو الاتحاد السوفيتي بيتنمر .. باقي سوريا .. سوريا بقت  
اليافطة ، فلسطين ، وان ده اتفاق فيه هزيمة للقضية العربية  
واتفاق سياسي ..

والاتفاق موجود وواضح وأنا في غير حاجة اني أدافع عنه لان  
أنا عمري ما حط نفسي في موقف الدفاع أبدا .. واضحة ..  
وبنشتغل في النور وما باتكلمش للحزب بلسان وأطلع للامة  
بلسان وأقول للفلسطينيين بلسان .. لأ .. أنا لسانى واحد مع  
الامريكان .. مع كل انسان لهجتنا واحدة .. لسانا واحد ..  
سياستنا معلنة موش مخفية .

يروح يطلع في البرقية اللي قريتها لكم الدور اللي فات انه  
السمير السوفيتي رايح يقابل وزير خارجية سوريا ويقول له :  
ان روسيا ترفض الذهاب للتوقيع ، يقوم يتبادل معاه الوثائق  
وزير خارجية سوريا ويقول له : طيب اتفضل أدى قرارات القيادة  
القومية والقطرية اللي بترفض هذه الاتفاقية ..

مسرحية متفق عليها يعني واحنا عارفين من الاول وقايل أنا  
لياسر عرفات: يا ياسر .. قدام أبو مدين .. ما يروح لكش السمير  
السوفيتي ويقول لك بنود سرية وبنود علنية آهى .. وأديك  
شفت لا طلع سرى ولا علنى وطلعت ما فيش حاجة واتت على  
لا شىء .. المرة دي برضه .. بنود سرية .. الاتحاد السوفيتي  
بيقول ان احنا آل وقفنا صوت فلسطين علشان ده اتفاق سرى ا

بعلنها والله للملا .. أنا بعثت لياسر عرفات قبلها وباقول له :  
يا ياسر عيب .. ما ييقاش الراديو احنا مدينه لكم وريشتنا ، قام  
قال : لا .. معاك حق واستمر الراديو فى الشتيمة ..

اللى أكثر بقى .. اللى بعث له الخبر ده ممدوح سالم رئيس  
الوزراء .. بصينا لقينا صوت فلسطين من بغداد نازل على  
ممدوح سالم ثلاث أيام .. شتائم رهية ولسه فى ايدهم اذاعتنا  
.. والله .. قمت رحت باعت رسالة لياسر قلت له طيب أنا غلطت  
.. أنا غلطت انى بعث لك وقلت لك يعنى عيب تشتمونا وأتم فى  
بلدنا وفى الراديو بتاعتنا .. تانى مرة لما حايعلط الراديو حانوقفه  
بقى .. احنا عند حده .. وأنا غلطت .. لان بعث لك .. قام  
كانت النتيجة انكم شتمتم ممدوح سالم ثلاث أيام .

وخدنا صوت فلسطين عشان نقول الحقيقة .. مانقولش  
عملية المزايدات اللى ماشية دى .. والتضليل يطلع الاتحاد  
السوفيتى ينشر انه قال ايه ده اتفاسق من البنود السرية !  
ما يهنش الكلام ده كله .



● إننى عريض على السوفييت كأصدقاء لا كولي أمر

● قدم السوفييت لنا أجهزة الكترونية، ورفضوا أن يستخدمها المصريون، وكانوا لا ينفذون أوامرى باستعمالها، إلا إذا جاء الأمر من موسكو!

● سحبوا هذه الأجهزة بعد قرارى بارخماي خدمات الخبراء السوفييت عام ١٩٧٢ .

● وأخيرا سحبوا طائرات استطلاع ممتازة بعد أن رفضوا أن يستخدموها لصالح قواتنا .. حتى فوق الأرض المصرية!

● محطة الإنذار التى نص عليها الاتفاق، محطة مصرية اشتريناها بأموالنا، ويستخدمها المصريون وليس عليها عساكر أمريكيان .

● عندما كان لدينا محطة إنذار عليها عساكر  
روس ، لم يقل مشير الزوابع أن  
استل سوفييتي .

● عقولنا وقلوبنا مفتوحة للأحوار والنقد  
والتفاهم ، ولكن الحكم الأخير فيما يخصنا  
هو إرادتنا المصرية الخالصة .

● على الجميع أن يعلموا أننا لم نرفض وصايتنا  
على أحد ، ولذلك فنحن نرفض ، ولن نسمح  
لأي إنسان تحت أي شعار أن يفرض  
وصاية على أرضنا أو على قرارنا .

● لن ننزل إلى مستوى المظاهرات والترجم  
على الشعارات .. لأننا لا نعرف  
البرصاف والفوغائية .

●● فاضلة حاجة صغيرة قوى عايز أقولها .. لانه أنا قلت ده وفيه ثلاثة أرباع الحقائق لسه ما قلتوش برضه حفاظا على رفقة السلاح .. موش عايز أقولها وموش حاقولها دلوقتى .. ثلاثة أرباع الحقائق ماقلتهاش .. أنا قلت دلوقتى الربع فاضلة حته واحدة عايز أزودها عشان محطة الانذار اللى يقولوا عليها محطة الانذار المبكر انها قاعدة أمريكية .. وقاعدة اليكترونية .. والمجتهدين بقى حاتكشف الامة العربية كلها .. وحاتكشف تحركات الدنيا .. وكأن ما فيش قمر صناعى بتاع الامريكان ماشى منصور العالم كله .. ما حدثش هنا يعنى .. هي دي بيجي اللى جت وحاتكشف الدنيا كلها قاعدة أمريكية وقاعدة .. وقاعدة .. طب .

أحكى قصة بسيطة أختم بيها كلامى عشان توضح .. يمكن تلقى ضوء ومفاتيح مين اللى يحرك الاشخاص على المسرح النهاردة ..

أيام عبيد الناصر .. الله يرحمه .. لما كان عايش .. وقبل ما يموت ولما راح فى الزيارة السرية اللي راحها فى يناير ١٩٧٥



زى ما سمعتم .. قبل كده .. كنت أنا وهو فى القنساطر  
لوحدنا . وحصلت حكاية أبو زعبل . فقال لى اطلب لى السفير  
السوفيتى وكبير الخبراء .. جيتهم وقعدنا احنا الاربعة عيسد  
الناصر وأنا والسفير السوفيتى وكبير الخبراء .. وعبد الناصر  
طلب انه يزور الاتحاد السوفيتى لان ضرب أبو زعبل كان معناها  
مرحلة جديده للدخول على عمق مصر . علشان ما كهاهمش  
الخط لا .. داخلين على العمق وما يضربوا التجمعات والمدن وده  
سببه ان صاروخ سام ٣ مش عندنا مدينا سام ١ و ٢ .. من سنة  
٦٣ و ٦٤ ومادوناش سام ٣ اللى هو بتاع الطيران الواطى ..  
دوكها بتاع العالى .. فيسجى واطى يخش على أى حته ..  
أيامها بقه طلعت اسرائيل تقول أنا ضربت دهشور على بعد  
ربع ساعة من مصر .. صحيح ماهى دهشور على بعد ربع ساعة  
من القاهرة .. ايدنا طويلة ايدنا بتطول كل حته .. عبدالناصر لما  
لقى الحكاية كده .. قال لى اطلب لى السفير طلبت له السفير  
السوفيتى وكان فى المحلة .. الله يرحمه فونوجرادوف الاول مش  
الثانى .. جه من المحلة الراجل وجاب كبير الخبراء .. اتفقوا  
.. عبد الناصر قال له أنا لازم أقوم أروح موسكو .. وكان  
عنده أنفلونزا الله يرحمه وكان عنده القلب .. وعنده من الأول  
سكر .. وقام راح تحامل على نفسه وراح موسكو واتفق على  
سام ٣

وهو هناك فى الزيارة دى .. قاموا قالوا له .. السوفيت  
أصل يظهر ذاكرتهم ضعيفة واتصوروا ان العملية .. ان أنا  
ما عنديش فكرة عن اللى جرى كله وقت عبد الناصر .. زى  
مراكز القوى تماما كانوا فاهمين ان أنا أهبل مش واخذ بالى .



عبدالناصر رجع من الاتحاد السوفيتى فى هذه الرحلة، رجع فى فبراير ٧٠ فى أسعد حالاته وكأنه عاد له شباب عشرين سنة ورا .. لانه جاب حاجات .. برضه حرصا على السوفيت مش هاقول ايه .. بس ييقوا عارفين ان أنا عارف .. ها أقول منها حة واحدة بس .. عشان ييقوا عارفين ان أنا عارف .. لان برضه أنا حريص على السوفيت كأصدقاء مش كولى أمر .. كولى أمر لا .. انتهى من زمان قوى .. لكن كأصدقاء آه .. من ضمن اللي جابه قالوا له هانديك الكترونيات .. لان كلنا عارفين ان اسرائيل قدامنا بتستخدم الحرب الالكترونية اللي طلعت جديد .. تشويش واعاقة والحاجات دى كلها .. دى سمة العصر .. قالوا له هانديك الكترونيات تتحط جنب القاهرة يوصل تأثيرها لغاية سوريا .. يعنى تعدى سينا واسرائيل وتوصل لسوريا .. ده من ضمن ثلاث حاجات اتفق عليها معاهم .. وبلاش الاثنين التانيين لما يجى وقتهم .. رجع فى أقصى حالات السعادة .. واحنا كان ناقصنا الحرب الالكترونية واسرائيل داخله .. وزى ما اتم عارفين طول عمرها بتتكلم وتقول أنا ما يهمنيش العرب عددهم ١٠٠ مليون .. أنا عندى النوع مش العدد .. أنا لازم النوعية بتاعتى أقوى .. الكيف مش الكم .. نوعيتى أقوى وأحسن .. حرب الكترونية أسلحة ممتازة كذا وكذا .. والعرب .. دول أى عدد بقره .. معاهم أى حاجة .. لما يكونوا ١٠٠ مليون هانخلص عليهم .. اللي كانت بتذيعه وتشيعه فى العالم كله .. وعندهم حرب الكترونية فعلا واحنا ما عندناش .. قاموا الدور ده قالوا لعبد الناصر .. ورجع عبد الناصر بقول راجع وكأنه رجع شبابه عشرين سنة ورا .. من السعادة .. وجت

بعد كده .. بعد ما مات ماجتش الحاجات الا بعد ما مات ..  
 جابوا الاجهزة ديه ركبوها جنب القاهرة .. السوفيت فيهم  
 عيب ما هماش عارفين ان أولادنا الضباط يقرؤا أحدث ما في  
 العالم ويسايروا العالم شرق وغرب وكل سلاح يبطلع وكل شئ ..  
 جديد .. يمكن كلهم واخدين فرق .. الله يرجمه المشير اسماعيل  
 كان واخذ فرقة في انجلترا زى ماهو واخدها في روسيا .. وضباطنا  
 كلهم اللي في انجلترا وأمريكا زائد روسيا واللى في روسيا زائد  
 أمريكا أو روسيا زائد انجلترا .. عارفين اللي في الشرق والغرب ..  
 والاسلحة بتطلع في كتب .. بتنتبج في الغرب ، الاسلحة بتطلع ،  
 والحرب كل شئ بينكتب عنها ، النهاردة بقى علم ، ويبطلع ،  
 ويقرأه أولادنا ، ومتابعين كل حاجة .. لما جابوا الاسلحة  
 الاليكترونية دي .. الاجهزة الاليكترونية وحطوها لنا هنا ..  
 جابوا عليها عساكر روس .. ليه يا جماعة ؟ .. قالوا ده سر خطير  
 .. ولا يقترب منه مصرى .. قلت طيب ..  
 علشان المعركة .. معلش — بس لما أدى أوامر بتنفذ .. قالوا  
 آه .. طبعا .. طيب .. قعدوا .. أولادنا الضباط ماسكتوش  
 .. راحوا شمشمو وشافوا لعملية .. لقوا الاجهزة .. أجهزة  
 عادية من اللي ٢٠ سنة ورا .. مش جديدة ولا حاجة .. ولا تعدى  
 .. ما بتوصلش لنقطتين .. ما تجيبش حاجة لسيناء .. مش  
 تعدى سيناء واسرائيل وتوصل .. أبدا .. العملية عادية جدا ..  
 ومش محتاجين حتى التدريب عليها لو استلموها .. لما جيت أنا  
 أصدرت قرارات الخبراء سنة ٧٢ قمت قلت لهم .. أى وحدات  
 لكم .. وكنت قاصد دي بالذات .. أى وحدات لكم هنا ..  
 لازم تبقى تحت القيادة المصرية .. مش تحت قيادة موسكو ،

لانى بصيت لقيت أنا بادی الامر من هنا .. وما يتنفذش الا لما  
 موسكو ييجى الامر منها .. وفى أغلب الاحيان موسكو  
 ما بتوافقش .. والنتيجة .. الله ! طيب وازاى يقعد فى الجيش  
 عندى .. وده سبب من أسباب قرار الخبراء • ازاي أحارب ..  
 وأجزاء عندى صحيح ماهياش فى ميدان القتال .. ومش على  
 الجبهة .. لكن ما بتاخذش أوامر منى .. فلما أصدرت قرار  
 الخبراء قلت لهم بيعوا لنا الاسلحة دى .. يا اذا كنتم مصممين  
 ان عساكر روس يستنوا عليها اسحبوها مع العساكر بتاعتكم ..  
 قالوا نسحبها مع العساكر قلت لهم .. مع السلامة ..

من ضمن الاسلحة اللي كانت هنا .. كان أربع طيارات اللي  
 يقولوا عليها ميج ٢٥ ويسموها الغرب (( فوكس باك )) ..  
 طائرة متنازة .. الاليكترونات على فكرة اللي أنا حكيت عنها  
 دى مش معناها أن الروس ما عندهممش لأ .. الروس عندهم زى  
 أمريكا تماما .. بس زى عادتهم ما بيدناش احنا •

الفولكس باك دى لأ .. أهى دى بقى طائرة فى العالم معروفة  
 .. ما فيش زيها ثلاث مرات سرعة الصوت .. وحاجة قوية جدا  
 .. كان موجود عندى أربعة منها هنا .. وقالوا دى تساعدك  
 تعملك استطلاع ، وتجيب لك معلومات .. و .. و .. لقيتها  
 نفس الكلام لا تطير الا بأوامر من موسكو .. وكل ما ندى  
 أمر يقولوا ده ضباب .. ده النهاردة مش عارف ايه ؟ .. لأ دا-  
 ايه ؟ لأ ده فيه عطل .. ما بتنفذش الاوامر .. ففى قرار الخبراء  
 قلت لهم مع السلامة .. يا تبيعوا .. تبيعوه لنا .. وأولادنا

يتدربوا عليه ويأخذوه .. ويستلموه زى بقية الاسلحة ،  
يا تاخذوه .. فسحبوا الاجهزة الاليكترونية دى .. وسحبوا  
الاربع طائرات دول .. بتوع الاستطلاع ..

أثناء الحرب بعثوا لى .. قالوا لى ايه رأيك نرجع لك الاربع  
طائرات علشان يعملوا لك الاستطلاع .. أنا ما عنديش استطلاع  
.. ما محدش بييجب لى .. القمر الصناعى والامريكاني وبأقولها  
قدام العالم كله .. بيدى لاسرائيل يوماتى .. أنا ما محدش بيدينى  
.. قمر صناعى ومعلوماتى لازم أنا أحصل عليها بالطيران  
بتاعى وأخش وأصور وأخش فوق المناطق الللى فيها العدو على  
بطاريات صواريخه كل حاجة .. قالوا لا .. ودى الطائرة دى  
بقه تصور من بعيد .. ممكن ما تخشش خالص على الارض  
المختلة ومن بعيد تصور والامريكان مدين لليهود أختها ..  
(سكرات كروف ) بتبقى ماشية فى عمق سيناجوه بعيد خالص .  
لا صواريخ ولا حاجة تطولها .. وبالليل بتصور وتأخذ كل  
حاجة .. عيب الالكترونات بقه كده .. الميخ بتاعتهم ٢٥ دى  
كده ..

أثناء الحرب قالوا نبعت لك الاربعة تانى همه لهم مصلحة فى  
وجود الاربعة دول .. مصلحة مش بتاعتى .. مصلحتهم همه .  
لعملية الاستراتيجية العالمية بتاعتهم .. قلت لهم ما عنديش مانع  
ابعتوهم اذا كانوا حييجيوا لى معلومات .. يوفروا لى أولادى  
.. بدل ما أولادى يروحوا بينضربوا .. ويخشوا ويحييوا من  
اسرائيل ومن العمق ومن كله ..

جات الطائرات وقامت الحرب ماطلعش .. وبعدين عملنا  
فض الاشتباك الاول .. قلت للقائد العام وأيامها حسنى لسه

كان ماسك الطيران .. يا حسنى اليهود قدأما طياراتهم \* يعنى  
على الاجهزة اللى عندنا المتواضعة بنقدر نعرف كل اللى فى العمق  
برضه .. بس الى حد محدود .. ما بنقدرش نوصل زى اليهود  
.. لما تمشى طيارة الاستطلاع أولادنا بيرصدها وييعتوا لى كل  
يوم التقرير بتاع العمليات .. طيارة مشيت الساعة كذا على  
ارتفاع كذا بسرعة كذا .. وماشيه بتصور .. واحنا عارفين انها  
بتصور .. وأنا مش قادر أعمل حاجة \*

فقلت لحسنى أيامها كان قائد الطيران قلت له قل لهم يطلعوا  
يصوروا لنا \* زى دوكهم ما شايفين أولادنا ومطلعين علينا وهمه  
من بعيد .. ما ييجوش وما ييقربوش .. ولا حتى على المنطقة  
الحرام اللى فى الوسط .. أبدا .. ما ييقربوش على دى ..  
دا من بعيد وبالميل ييجيبوا كل حاجة ..

قلت له ابعث لهم وقلهم اطلعوا صوروا لنا - يجينى للرد من  
موسكو : ما نقدرش نطلع فوق سيناء ..  
دا سيناء دى أرضى - أرضى أنا .. لا منقدرش نطلع فوق  
سيناء ..

قام حسنى قال لهم بلاش .. اطلعوا فوق الضفة الغربية  
بتاعتنا ولو ان سيناء بتاعتنا .. اطلعوا فوق الضفة الغربية  
وصوروا بالميل لان الطيارة دى احنا عارفين خصائصها كلها ..  
ماهيش سر على حد .. والعالم كله عارف خصائصها \* ومكتوبة  
فى كتاب مطبوع فى العالم واحنا عارفين .. حتى على الضفة  
الغربية فوق قواتنا قالوا لأ ..

طيب بلاش الضفة الغربية اطلعوا فوق الشرقية .. محافظة  
الشرقية يعنى .. وصوروا من فوق محافظة الشرقية .. برضه

ما جاتش الاوامر من موسكو قمت قصاص هذا قلت لهم آسف  
الطيارات دى ما تطيرش بقه .. لانه بقه لهم همه أهداف أخرى .  
قلت دى ما تطيرش .. تقعد على الارض ما تطلعش خالص  
.. للجور ..

لما عرفوا ان الكلام جد ابتدوا يسحبوها من أول امبارح بس  
.. أول امبارح .. واحنا النهاردة أهه الاثنين .. يوم السبت  
أول امبارح .. قالوا نسحبها .. قلت لهم مع ألف سلامة ..  
اسحبوها ..

للى بيتكلموا عن محطات الانذار .. محطة الانذار بقه ..  
لا جبالى بمساكر أمريكانى عليها .. طيب ما كان هنا المحطة عليها  
عساكر روس وما قالوش ده احتلال روسى ليه ؟ .. أيامها يعنى ؟  
.. لا .. المحطة دى مصرية .. متباعة لى بفلوسى .. بحر مالى  
.. محطة مصرية والظقم اللى عليها مصرية ..

أنا بقه اللى زودت وقت له تعالى خليك شاهد بينى وبين  
الناس دول اللى انت بتبعت لهم من رغيف العيش لغاية المدفع  
والطيارة لان دول ناس أنا لا أثق فيهم أبدا .

آدى حكاية محطات الانذار وآدى واقعة لسه حاصلة ولسه  
بتنسحب من أول امبارح ولسه قدامها ١٠ أيام تنسحب طازة  
لسه لكل من يريد أن يعتبر أو من يثير حولنا الكلام فى العالم  
العربى .

بارجع تانى أقول اللى قلته .. ما يهم الامة العربية هو شورى  
بيننا جميعا .. وما يخص الوطن المصرى هو ملك لانباء هذا  
الوطن طالما اتنا فى ممارستنا لسيادتنا الوطنية لا نشترى شيئا  
بحقوق الغير .. ولا نقبل شيئا يعطل المسيرة العربية الشاملة .

ومرة ثانية باقول اننا لا نريد أن نغلق جسورا مفتوحة .. و لا أن نرد يدا ممدودة .. عقولنا وقلوبنا مفتوحة للحوار .. والنقد والتفاهم .. ولكن الحكم الاخير فيما يخصنا هو ارادتنا .. ارادتنا الارادة المصرية الخالصة .

لعل أبعاد-اللى حكيتهاولكم يوريكم أو يلقي ضوء على المسيرة اللى لازم تبندوا تشتغلوا فيها على طول .. مسيرة العمل الوطنى هنا وما يواجهنا وما يقابلنا سواء من قوى كبرى أو من بعض الاخوة فى العالم العربى عن عمد وعن قصد .. قد يكون بعض آخر عن غير قصد لكن على الجميع أن يعلموا أن احنا لم نفرض وصايتنا على حد .. ولذلك فنحن نرفض ولا نسمح لاي انسان تحت أى شعار أن يفرض وصاية على قرارنا أو على أرضنا .. باقولها بهدوء وباقولها بصراحة .. ولعل كلامى يوصل .. مظاهرات مش حتخوفنى .. تكسير السفارة المصرية مش حيخوفنا .. ببساطة نقولها .. أقلل صرفها ومافيش داعى لها .. مش مشكلة .. لكن مش حارد ومش حانزل لهذا المستوى المسف أبدا ..

وانما كل ما حيدعو شىء .. سأضع حقائق جديدة قدام الامة العربية وقدام شعبنا علشان نعرف مين اللى بيعرك الشخصوص على المسرح النهاردة .. ومين اللى له مصلحة فى ضرب الامة العربية .. النهاردة فيه تباكى من حزب البعث على التضامن العربى ؟ .. بس أنا عاوز أقول حاجة .. أنا زى ما سمعتونى فى كل اللحظات متفائل .. لن يستطيع حد انه ينال من التضامن العربى .. ده كان زمان .. تهريج زمان .. وكانت مزایدات زمان .. النهاردة المواقف مبدئية ومتحددة .. واحنا جاهزين



General Organization of the Alexandria Library (GOAL)  
المنظمة العامة لـ مكتبة الإسكندرية

نناقش كل انسان .. ونضع الحقائق أمام كل انسان .. علشان  
كده أنا باقول التضامن العربى لن يهتز ولن يجرى شىء له أبدا  
أنا هم اللي بيثيروا هذا .. هم جهتروا وهم اللي حينزلوا مش  
أنا ومش التضامن العربى أبدا ..

أعود مرة أخرى فأهنتكم بثقة الشعب بكم .. وزى ما  
قلقلكم قد أصبح تنظيمنا تنظيم سياسى مفتوح ولما بالتقى اليوم  
بكم ما بالنقيش بأمناء الاتحاد الاشتراكى بس بل بالأمناء  
وبالنقباء .. نقباء النقابات المهنية .. النقابات العمالية ..  
والفلاحين .. النهاردة بقينا تنظيم مفتوح وجهة واحدة وشعب  
واحد ..

بادعو الله أنه يوفقكم لان المسيرة زى ما أنتم شايفنها .. أنا  
الخمس سنين اللي فاتت كاتب كل ما حدث فيها واللى باحكيه  
لكم ده .. ده واحد على مليون من الحقائق اللي عندي .. لكن  
علينا ان احنا نواجه ده كله ونقول للناس دول مكانكم ..  
والزوموا حجمكم .. كل يلزم مكانه .. وكل يلزم حجمه ..  
واحنا ما بنمنش على حد .. واحنا ايدنا ممدودة للكل ..

والله يوفقكم والسلام عليكم ..





